

www.BibleForChildren.org



GENESIS 6



www.BibleForChildren.org

GENESIS 6



Mesuh oo-oo
kahezhebemahdezid
Noah; Kequuhyukwahdeze
owh Noah kuhya
kekeche-minwandahgooze

emuh
oobemahdezewining,
Noah
dush

oogewedoosamaun
enewh
Kesh-Muhnedoon.



Kesha-Muhnedoo dush
oogeguhnühwabhundaun
uhkee, benuh dush
kekuhwahnessugge-mujje-
ezhewabud; . . .



... kuhkenuh mah
wahyausewejig
oogekuhgwahnesugetoonahwah
oodezhewabezewinewah
emuh uhkeeng.



Kesha-Muhnedoo dush oo-oo oogeënaun
Noahun, Ahzhe nindenahkoonega
cheïshquah-bemahdezewaud kuhkenuh
wahyausewejig; uhkeeng
mah mooshkenamahgud
mujje-doodahgawin wenuhwah
oonje; benuh
dush, . . .



. . . ningahbahnahjeäug
wenuhwah kuhya ewh uhkee.



Umba oozhetuhmahzoon
keche-nahbequaun gopher metig kaähwud;
ahbenahsoowinun kegahoozhetoounun
emuh nahbequauning, kuhya
kegahpegekahdaun peendoonug
kuhya oogedoonug.



Me suh oo-oo
kaëzhenahgootooyun;
niswauk duhsoonik
tahekoonuhgud,


nahnemeduhn
duhsoonik dush
tahnegookoodayoonahgud,
kuhya nesemeduhn
duhsoonik
tahahpeetoonuhgud.




Kuhya oodahpinun ahnooj
doowah meejin, kuhya
mahwundoosetoon; mesuh
ewh kaömeejememeyun
kuhya wenuhwah
kaömeejememewaud.




Kuhya anduchewaud kuhkenuh bamahdezejig
wahyahsewejig, naneezh kegahpoozeäug emuh
nahbequauning, . . .



... chebemaheüdwah; tahnahbaähyahahwewug
kuhya tahnoozhaähyah-ahwewug.




Anduhchewand pahnezejig ahwaseyug
naneezhwahswe kegahoodahpenaug, ahyahba
kuhya oonoozhaähyahahmun; kuhya
pahneezesigoog ahwaseeyug naneezh,
ahyahba kuhya oonoozhaähyahahmun.





Kepooze
dush Noah,
kuhya enewh
oogwissun, kuhya
oowedegamahgunun,
kuhya oogwissun
oowedegamahgunene,
emuh nahbequauning, oonje
kemooshkuhunenig emuh uhkeeng.





Uhpe
nangoodwauswauk
duhsoo pepoon-uhgezid
Noah, nauzhoo-keziswahguk,
kahmetausoogoon-uhgezid
ahshe neezhwahswe own keezis,
ewh egoo kezheguk
kepegoobejegahdawun enewh wanje
mookejewung nebeen emuh keehe
keche-gummeeng, kuhya ishpeming duhzhe
wahsachegunun kenesahkooshkahwun.





Nemeduhnuh duhsoogoon kuhya
nemeduhnuh duhsoo tebik kekemewun
emuh uhkeeng.

Kebahteinud dush nebee, kuhya
kekeche-mooshkuhun emuh
uhkeeng, kuhya ewh
nahbequaun kepemewabahun
emuh oogedebeeg.



Ahpeche kekeche-bahteënudoon nebeen emuh
uhkeeng; kuhya kuhkenuh ashpuhdenaugin wahjewun
kenekebewun emuh ahnaume-gezhigoong. Kuhkenuh
nuhyasanoodungebuneeg ewh
bemahdezewine-nasawin emuh oodanegoomewaung,
kuhkenuh emuh pangwuhkummegahnig
ayahpuneeg keneboowug.




Kesha-Muhnedoo dush
oogemequanemaun Noahun, kuhya
kuhkenuh bamahdezenejin; kuhya
kuhkenuh ahwahkaunun
kahweejewegoojin emuh
nahbequauning: . . .



... Kesha-Muhnedoo dush
keënahkoonega chekeche-nooding
emuh uhkeeng, keühneïskutta dush;
Kekebejewunoon dush enewh
wanjejewungin enewh nebeen emuh
keche-kechegummeeng,

...



. . . kuhya gezhegoong
duhzhe wahsachegunun
kekebahquah-egahdanoon kuhya
kepoone-besah gezhegoong koo
oonje kemewungebun.





Kepuhgummeähyahmahgud
dushkahnemeduhnuh-
duhsoogoonuhguk, Noah
oogepahkahkoonauñ ewh
wahsachegun kahoozhetoopun
emuh nahbequauning: Kuhya
keche-oomeemeen
oogesahgejenahzhahwaun, . . .





. . . chewahbunduhmenid
kishpin ahzhe
kahiskuttagwan emuh
metushkuhkummig; Ow! dush
keche-oomeeme, uhpe makunsig
ningooche chepoonepun cheäunwabid,
kebiskahbesa emuh nahbequauning, . . .





. . . oonje kenebekahnig
emuh
anegookookummegaug
uhkeeng: me dush
kesahgenekanid,
oogetuhkoonan dush, kuhya
oogepeendegawekoobenaun
emuh nahbequauning.



Nauzhookeeziswahguk, kahneezhtuhnuh ahshe
neezhwahsoogoon-uhgezid keezis,
ketapangookummegah uhkee.

Kesha-Muhnedoo dush
oogeguhnoonaun
Noahun oo-oo
keëkedood; . . .



. . . Nahbequauning oonje sahguhun, keen, kuhya
keweedegamahgun, kuhya kegwissug, kuhya
kegwissug ooweedegamahgunewaun
kegahweejewegoog.



Noah dush oogeöozhetuhmahwaun
sahsahgewejegun-
ahbik enewh
Jehovahun; kuhya
anduhchenid
pahnezenejin
ahwaseyun, kuhya
anduhchenid pahnezenejin
penashewun, . . .



. . . oogeöodahpenaun ahnind, kuhya
oogepuggeden-
ahmahwaun
chahyahgedagin
sahsahgewejegunun
enewh Jehovahun.





Kesha-Muhnedoo
dush oo-oo
keëkedoo, Mesuh
oo-oo
kekenoowahjechegun
pagedenuhmaun
chekenoowahjechegahdag

Kewahweendah-
mahdewinenaun
azhewahweend-
ahmahdeyung, neen
kuhya kenuhwah kuhya
kuhkenuh bamahdezejig
ayahwagoog kahgenig
ahpena kahgenig: . . .



... Nindahtoon
nindahgwah-
nebesaun emuh
ahnuhquudoong,
mesuh ewh kaöonjeke-
kenoowahduk ewh
wahweendahmahgawin

azhewahween-
duhmoowugwah
uhkeeng ayahjig.





Tahpuhgumm-
eähyahmahgud
uhpe pahtooyaunin
ahnuhquud emuh
uhkeeng, me dush ewh
chenahgwuk ewh ahgwahn-
ebesaun emuh ahnuhquudoong.

Kuhya
ningahmequandaun
newahweendahmahgawin,
kahezhewahwee-
ndahmoonuhgoog
kenuhwah kuhya
kuhkenuh . . .





...Tahpuhgumm-
eähyahmahgud
uhpe pahtooyaunin
ahnuhquud emuh
uhkeeng, me dush ewh
chenahgwuk ewh ahgwahn-
ebesaun emuh ahnuhquudoong.

... Bamahdezejig
ahnnoj azheweya-
usewezig; kah dush
menuhwah
tahmooshkuhunsenoon
chetabahnahjeïndwah
kuhkenuh wahyausewezig.



Kesha-Muhnedoo
dush oogemenoo guhnoonaun
Noahun kuhya enewh oogwissene,
oo-oo dush keënaud, Ashkum
bahtuhyenooyook, kuhya
meshenooëdeyook, kuhya
mooshkenashkuhmook
uhkee.




Oogwissun owh Noah,
kahsahguhuhmenejin emuh
nahbequauning, me enewh Shem,
kahya Ham, kuhya Japheth: Ham
dush, oogeöoyoosemegoon
Cainanun.



Mesuh oonoo neswe
kahoogwissejin owh Noah: mesuh
egewh kahoonejähnis-
henahbakaug anegooko-
okummegaug uhkeeng.





Kahahpeech-shahwandung owh
Kesha-Muhnedoo ewh uhkee
oogeöonjemeegeewanun
tebenuhwa oogwissun
nuhyatahwezenejin, . . .

. . . ahwagwan dush
duhyabwayanemahgwan
chebahnahdezesig,
cheähyaung suh dush ewh
kahgega-bemahdezewin.



ROMANUN 3:23 Kuhkenuh muh kemujje-ezhechegawug
kuhya kenoondasawug emuh oopeshegandahgoozewining
owh Kesha-Muhnedoo;

ROMANUN 6:23

Mujje-ezhewabezewine-tebahahmahgoowin me suh
neboowin; ewh dush ween oomeegewawin owh
Kesha-Muhnedoo me suh ewh kahgega-bemahdezewin
oonje owh Tabanemenung Jesus Christ.

HEBREWUN 9:27 Debishkoo suh
azheënahkoonegahzoowaud enenewug ahbeting
cheneboowaud, ishquauj edush chetebahkoonegang:



EPHESIANUN 2:8,9 Shahwanjegawin muh
kedoonje-bemahjeëgoom oonje ewh dabwayanduhmoowin;
kah dush kenuhwah tebenuhwa
kedoondenuhmahdezooseem ewh, kemeenegoowah suh
owh Kesha-Muhnedoo:

Kahween emuh ahnookeewining oonjeemahgussenoon,
koonemah ahweyah tahgeöonje-muhmequahzoo.

ROMANUN 10:9,10 Ewh kishpin wahweenud emuh
kedooning owh Tabanemenung Jesus Christ, kuhya
dabwayanduhmun emuh kedaïng ewh Kesha-Muhnedoo
keähbejebahaud oonje neboong, kegahbemahjeëgoo.

Mesuh ewh oodaëmah owh enene wanje-dabwayandung
cheöonjequuhyuk-ezhewabezeïnd; oodoonemah
wahweendahmahgamahgud cheöonje-bemahjeëwang.



ST. JOHN 3:16,17 Kahahpeech-shahwandung owh
Kesha-Muhnedoo ewh uhkee oogeöonjemeegeewanun
tebenuhwa oogwissun nuhyatahwezenejin, ahwagwan
dush duhyabwayanemahgwan chebahnahdezesig,
cheähyaung suh dush ewh kahgega-bemahdezewin.

Kah muh Kesha-Muhnedoo
oogeöonjeëzhenahzhahwahseen enewh Oogwissun
oomah uhkeeng chenahneboondung ewh uhkee, ewh suh
dush uhkee chebemahdudenig ween oonje.

1 ST. JOHN 5:11-13 Mesuh oo-oo debahjemoowin,
Kesha-Muhnedoo kemeenening kahgega-bemahdezewin,
oo-oo dush bemahdezewin ahyahmahgud
oonje enewh Oogwissun.



Owh ayahwaud enewh Wagwissemindjin oodahyaun
bemahdezewin; owh dush ayahwahsig enewh
Kesha-Muhnedoo Oogwissun,
kah oodahyaunseen bemahdezewin.

Oonoo uhyeëen kegeëzhebeühmoonenim, kenuhwah
duhyabwayanduhmag oodezhenekahzoowin Oogwissun
Kesha-Muhnedoo; chekekanduhmag ahyahmag
kahgega-bemahdezewin, chedabwayanduhmag dush
oodezhenekahzoowin Kesha-Muhnedoo Oogwissun



GENESIS 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Psalms published by the Canadian Bible Society 1856. New
Testament and Pentateuch published by the Society for
Promoting Christian Knowledge (SPCK) 1861-1874 (ciw).

<https://www.bible.com/bible/4126/GEN.1.OTW>

©2026 Bible for Children, Inc.

www.M1914.org

www.bibleforchildren.org

